

中华稀见易学术数丛书



# 張果星宗

邵伟华



兰州大学出版社

# 张果星宗

明·陆 位著

兰州大学出版社

(甘)新登字第08号

张果星宗

明·陆位 著

兰州大学出版社出版发行

兰州市天水路216号 电话: 8883156 邮编: 730000

---

七二一九工厂印刷

开本: 850×1168毫米 1/32 印张: 26.00

---

1995年4月第1版

1995年4月第1次印刷

字数: 484千字

印数: 1—10000册

---

ISBN7-311-00839-7/B·22 定价: 25.00元(上、下册)

外家必零落，临生之时，父不在家见养。金水在宫，及拱夹者吉，三方得吉星方可。太阳而作杀主，单行三方四正，无冲激则作吉。如太阳既是杀，又会杀，引从作党极凶。凡太阳忌杀夹，若在一边则好。日月皆论中气，次以月为母，如上下弦是杀，论日月。非中气，则看田宅宫论父母。

太阳在子宫，化天宜主无成，夜吉。在丑宫化天幽，主清闲。在寅宫化天桑星大吉。在卯宫，化天乌主聪明。在辰宫，化天爽主显达。在巳宫，化幽微主乘旺。在午宫，化少微乐宫。在未宫，化天耀官迁。在申宫，化天暗星，作事更改。在酉宫，化九空星，无成。在戌宫，化天枢入庙旺。在亥宫，化玉玺星主聪明。

太阴为母。入强宫得经得所，与吉星相会，则母有力。失经失所，凶星会则克母。入命宫吉，入财帛有财，入兄弟有情吉，入田宅则主母家有田宅，入男女，先女后男吉。入奴仆，主劳碌起家，必庶母生，不然末胎。入妻宫，主因亲得妻。入疾厄，有权有疾，母灾多病。入迁移则平平，主过房出祖。入官禄，则贵益盛。入福德，则平平有福。入相貌，则母貌美，坐咸池则母淫，主有外心。杀并凶忌，见土计最凶，火罗稍凶，夜生犹可。金水木相随则吉，夜生人最佳。月向中旬生者有力，下旬生者无力。○凡男女命，太阴皆爱清贵，及落在吉宫者妙。

太阴在子化天姬夜吉，在丑化天机荣贵，在寅化天昧祸害，在卯化天琮喜宫，在辰化天璿官显，在巳化玉

鹿显达，在午化天衣享福，在未化天圭旺喜，在申化天洪主富贵，在酉化天柱，在戌化天捕，在亥化天眸。

木星喜春令，宜见水孛生之，寅亥二宫吉，未宫亦吉也，巳申二宫受生吉，为人清秀。善恶考之，凡木在卯宫多利，忌见金火。秋冬皆失令，加诸杀即凶，与太阳交会吉，必克父。卯戌二宫泄气平平，见土计子丑二宫怒，见气则余奴犯主反孤。

木星居丑化天荫，寅化天渊，卯化太微，辰化玉龙，巳化天福，午化天德，未化玉班，申化天鸾，亥化中合星俱吉。

火星喜见木气相生，又不喜重见，从阴则喜，犯阳则凶。夏令吉，独行有权。卯戌二宫吉，申巳宫乐，寅宫吉。巳宫缠轸则受制，缠翼则朱雀乘风，夜生反吉，有光明忌。见水孛凶，冬令不吉，加罗大凶，日生忌犯阳，夜生则可。缠辰酉，火入金乡，则早抛兄弟。子丑宫泄气，见金则怒。

火星丑化黄道，寅化天升，卯化天乙，午化天赫，申化喜神，戌化天轨，亥化天，俱吉，余宫凶。

土星喜火罗相生，亦不宜重见，重见则太骤，一发反见祸。子丑二宫吉，卯戌二宫吉，辰戌丑未月得令，从太阳少吉，日生更吉。忌见木气相克，加计则凶，忌与太阳相见。入寅申巳亥宫凶，辰酉宫脱气，未宫曰三丘，见水

则怒。

土居子化天亢，寅化贵人，卯化天冲，辰化太极，午化天道，未化四镇，申化福生，戌化天关俱吉，余不利。

金星喜土计生之，从阴阳皆吉，秋得令，辰酉宫吉，未宫亦吉，子丑宫受生。见火罗凶，卯戌午三宫凶，又金乘火位，其人少失尊亲。巳申宫泄气平平，见孛同宫则为花酒之客，夏令无力，寅亥宫及见木气则怒矣。

金在子化玉辂，丑化天庠，辰化太常，巳化天禄，午化天旻，未化太仓，申化玉堂，酉化天印，亥化天寿俱吉。

水星喜金相生，巳申宫吉，冬令吉，从日月吉，未子宫吉，亥宫稍吉。土计凶，见孛则余奴犯主，加杀非天则刑，丑宫少凶，卯戌上怒，见阳不妨，寅宫脱气。

水居子化玉池，丑化震门，寅化天懿，辰化琴堂，巳化荣星，午化天温，未化天乙，申化显星，亥化天绶吉。

气星主慈善，出家好道，坐命及三方对冲，见之必孤，妻子难为。行限及三方对照见之，此限必好慈善，出家清修，过此又改矣。犯太阴为人晦滞，近太阳则掩光，遇剑锋恐受伤，如对照先须有妻，年老亦孤。居子丑则怒，寅

亥为奴犯主不吉，卯戌则有生成之意，居辰酉则衰，居巳申受生吉，居午凶，加杀克命度大凶。

气居子化玉清，丑化天玄，寅化天飨，辰化华盖，巳化天相，午化玉肌，未化天廩，申化紫微，酉化凤凰，戌化玉贯，亥化天贵俱吉。

孛星居命，诡怪万端，权谋百变，有克剥，无礼制。居子少吉，居丑凶，加杀克命度大凶，居寅尾火凶，居亥朝天，居卯未皆吉，居午大凶，居戌凶，主流落。奎度反吉，辰酉平平，巳申为奴犯主。女命遇孛当头，克夫害子，孤淫是非。单行生度吉，剥杂克度主凶。

孛星居丑化天柔，居寅化天后，卯化玉垣，午化玉气，未化太乙，亥化天聪主吉，余宫不利。

罗星守命，为人性急燥暴。居子午日中分吉，居巳申受制小吉，居子丑为生。本宫土命遇之为余气，生命忌克。牛金凶败，夜生得用，辰酉宫则怒。居未主克剥，生灾官事。卯戌为奴犯主位，立命于此不吉。行限遇恶星相生，则为富不仁，相克则凶。会金加飞廉，则犯干戈及暴死。会剑锋，非恶死而伤残矣。

罗在丑化赤道，卯化天权，巳化天章，午化天统，酉化天文，亥化文昌俱利，余宫少吉。

计星居丑缠斗，名曰朝斗，必贵，只宜独行。居子为

顽土，须用木气制之方可，或相冲照，或三方相制方可。入寅遇金则吉，入亥平平，卯戌独行吉，巳申则怒，未上凶，午上平吉。会剑锋必伤残，及恶血死。

计星居丑化四喜，寅化天渊，卯化玉柄，巳化天水，午化天焰，亥化天武，俱吉。别宫不利。

## 续论七政四余分布宜忌及入格真伪

太乙抱蟾，常人见李与月同行，便谓之太乙抱蟾，其义非也。须是上弦及望前既望下弦，在未上见之，及生于戌亥子丑时者，方合此格。如非其地，又非其时，名为抱鬼。若值残晦之月，则为抱死鬼，却不能为福矣。既望，尽也，已也。

太乙，李星也，蟾，月也，月与李同宫，在未酉入秦鬼尤贵。

木罗会舍，必在寅上为吉，盖木喜于寅，罗乐于寅，二星相得，方为会舍，在他宫则不合格。

谓相生得火局之贵。

火气为职权，在寅卯为大吉，盖火生于寅，庙于卯，寅为气乐之垣，卯为气旺之地，二星相得，故为职权，不以昼夜为忌。

木李为符印，在未为得局，盖木升殿于未，李入庙于未，二星得所为贵，他宫其福减半。



火罗计孛，乃四凶曜，化凶化吉，并宜独行则主重权。紫气为灾，比土犹缓。

土星为灾至缓，主病淹滞难痊，使人晦懒，作事有头无尾，或出一月方发。

土星行最迟，二十九年一周天，故主病淹滞。

金星不要在阳刃的杀劫杀之上，盖金主杀，遇杀则杀气辉腾；故为杀至重。

罗计拦截之格，不宜太阳跳出，犯此名曰孤君无辅，极不为美，盖太阳乃君象，只欲五星辅佐共行或拱夹，方为吉论。若孤立于外，主人一生奔波劳碌，少得人力，我虽亲附人，人多远之。

罗计截断半天星，此格有凶有吉，或截在左，行限在右，或截在右，行限在左，名曰反背为限，不与诸星会遇故也。○又有升沉之不同，或日生而诸曜截在卯辰巳午未申，行限酉戌亥子丑寅位，而无星者，不得体。或夜生诸星，截在酉戌亥子丑寅位，行限卯辰巳午未申位无星之地，皆谓升沉不同，并不合格。

计罗，截断漏出有用星辰，昼东南而夜西北，皆主大贵。

太阴随日干而化金木水火土，若太阴属水，则不喜土月同缠。太阴属木，则不许金月同缠，余可例推。犯之者，皆带疾防克。如更在空亡亡神劫杀之上者，决主其人乱说是非，言语不定。

令星在太阳之前，名曰旺进，若为命主在前，曰特进，

名曰令星拱日，又曰令星当衡，皆主权贵。若命主及令星在太阳之后者，名曰后进，其福减半。

金水二星，护太阳而行，则不离三宫。

诸星并行，有前有后。凡杀星则欲其前行，主星则欲其后至。假如水火同行，水克火为杀，水在火前，则为不克，火在水前，其杀逼身，最为大害，不可不审。经云，杀前主后，当膺藩辅之权。杀后主前，必有徒流之患，此之谓也。

藩辅，布政之职。

诸星聚会，有吉会，有凶会。吉会者，如命主、度主、身主、官魁、福禄、化贵荫，权印，则为吉会。虽是火罗计孛，若作吉亦为吉会。若为阳刃劫杀，及化刑囚暗耗，皆凶会，主祸。

诸星并要分行，善恶不宜混杂。故善者专为吉，恶者专为凶，福禄单行为吉，若福刑相会，禄耗并行，吉凶混杂，皆主利名有成有败，处世无成。

五星退行，有退而有力者，有退而无力者，且如火金同行，金在前，火在后而退，此杀星不敢进前以克金，谓之退而有力。若金星退，遇火星顺行，反克金星，是谓退而无力，余可例推。○有退而升殿入垣，逢生皆谓有情，反作吉论。或退而失度，逢杀及入弱宫，皆谓无情，决作凶论。

退星为福为祸尤甚，盖行迟故也。经云：星缠退度，善恶分外有情。术者审之。

诸星坐命，皆为所属，既能为吉，亦能为凶，其论已载玄妙集，细看极有灵验。

诸星在人盘，不但原守为紧，而流星及诸神杀，尤为紧关。亦如前例同看，知星者鉴之。

## 星盘或问

斗南子方衰集删定果老星命之说，以广厥传，忽有客坐而问之曰：五星丽于天者也，凡民丽于地者也，天地邈不相及，胡术家者流，以五星而推人禄命，其说亦有理与？余应之曰：天地不外阴阳，阴阳不外五行，人不能外五行以生。五星乃五行之精，凝结成象，天垂以示人者也。人之生也，禀天地之精英，萃阴阳之造化，天星运于上而适厥期，人命钟于下而感于天通。是故长庚入梦而太白生，岁德下临而曼倩降。郎官应宿，庶民惟星，以五星而推人禄命，其理至著，其道至微，但术者未尽知耳。

即金木水火土之精，悬象于天，布列森然，变化无端，以应凶吉。李白母梦长庚入怀而生，故名曰白，字太白。岁德星降，乃东方朔也。号名曼倩子。

客曰：星命之说，固云有理，然所以推星与命者，则吾未之喻也。敢问何以先排十二宫，一命宫，二财帛，三兄弟，四田宅，五男女，六奴仆，七妻妾，八疾厄，九迁

移，十官禄，十一福德，十二相貌。其名次序，无乃牵强也与？答曰：人之生也，以身命为主，故曰命宫为第一。财为养命之源，故次二。分我之财者，独兄弟，故次三。田宅所以安命藏财而居兄弟，故次四。既有财帛兄弟田宅，而男女所以承田与财者也，故次五。奴仆所以辅男女，故次六。妻妾敌体，与命宫对冲，故次七。夫自命宫而至妻宫，其叙自不乱。疾厄，人命之所不能无者，故次八。迁移，人之所不能免者，故次九。官禄，天之所予，系于命而最要，故次十。福德，人之所享，系于天而难得，故次十一。相貌所以成身，故次十二。自疾厄而至相貌，其叙却乃倒言何也，十二宫之中，命与妻相对，相貌福德官禄出天上，故列在身前。财帛兄弟田宅隐地下，故叙在身后。迁移疾厄妻妾，限数最紧，皆太阳过午而行促，有相貌而后见福德，有福德而后居官禄，有官禄而后历迁移，有迁移而后见疾厄，自相貌而至于疾厄，皆日月之喜升而恶沉。有财帛而后见兄弟，有兄弟而后分田宅，有田宅而后归男女，有男女而后居奴仆，自财而至奴仆，皆日月之右转而分布，人之所以为人，不过如此，故十二宫之名，足以尽人之生也。男女，身命所生，迁移，父子所专，兄弟和乐，妻孥雍睦，人之福德，此二者最难。财与官禄相连，奴婢所以服官营财也，貌为疾厄所苦，田宅所以安身而养疾也，故皆三合。此十二宫，流行之叙，对代之体，错综之用有如此，子殆未之思乎。

星盘问答之说，此篇至妙而至精也。

客曰：星盘十二宫，既闻命矣，然何以午未属天，子丑属地，寅亥属木，卯戌属火，辰酉属金，巳申属水，与五行地支十二之理不同，又何说与？余曰：五行以寅卯为木，巳午为火，申酉为金，亥子为水，辰戌丑未为土，乃地支十二维也。午与未合，居于上而属乾，故以为天。子与丑合，居于下而属坤，故以为地。上天下地，一定之体也。亥与寅合属春，故以为木。卯与戌合属夏，故以为火。辰与酉合属秋，故以为金。巳与申合属冬，故以为水。春夏秋冬，四时之序也，日月丽天，水金辅之，故喜金水。土石丽地，木火生之，故喜木火。此虽与地支十二维分布不同，而其道理，则相贯也。

此乃颠倒五星之论。此篇神妙之论，凡人之所不知者也。

客又曰：人一日之生，不啻亿万，何以从太阳为命，太阴为身，遂据此断吉凶祸福，仆未深信，敢问其故，何也？余曰：善哉问，我明告子，天形如卵而左旋，日月代明右转，天体日周东方常抽，惟其东抽，是以西沉，一沉一抽，无停留也，太阳之升，出在东方，太阴之没，入在西乡，一升一没，无差忒也。人之出乎胎中，即天转乎地上，若是卯时而生，天日俱出东厢，惟卯时以后，天体无形，以日为准，故因日而数至卯，即卯地而出苍穹。太阴日之配，身之所自出也，故以太阳立命，太阴安身。身命，

人之所最重，故先求此二宫，天体度数，各有对度，是以日月同其好恶，身命同其祸福。东出父命，西没孀身，东出太阳，西没太阴，东出亢金，西没娄金，故云身命一般之说，盖为此也。

客又曰：星家源流，其理既同，然何以有准于古而差于今，验于今而谬于古，其故又何，仆也惑，敢问？余曰：此天道自然之运也，天之运也积气，日月五星，积气之光曜者也，其循行次舍，七十年而差一度，天道且然，而况于人乎。世有升降，国有隆污，皆囿于天道自然之运。人乃积气中之动物，身之用舍，道之行藏，又囿于国家一时之运，此古今人命之所以不同，而星家准与不准之辩，咸在此矣，客恍然而悟醒。

## 分野列宿

斗宿分野	南直隶	应天	凤阳	太平	安庆	苏州
	松江	常州	镇江	徽州	宁国	池州
	十一府	广德州	和州	浙江杭州		
	嘉兴	处州三府	江西南昌	南康	九江	
	饶州	广信	抚州	建昌	临江	瑞州
	袁州	吉安	赣州	南安十三府		
斗牛分野	南直	淮安	扬州二府	浙江湖州	温州二府	

- 江西 九江
- 牛女分野 浙江 宁波 绍兴 台州 金华 衢州 严州六府 福建 福州 兴化 漳州 泉州 延平 邵武 汀州 建宁八府 广东 广州 惠州 潮州 南雄 韶州 肇庆 高州 雷州 琼州九府
- 虚危分野 山东 青州府
- 危宿分野 山东 济南 登州 莱州三府
- 室壁分野 北直隶 大名府 河南 卫辉 怀庆 彰德三府
- 奎娄分野 山东 兖州府
- 胃宿分野 山东 东昌府
- 昴毕分野 北直 真定府 山西大同府
- 觜参分野 山西 平阳府 泽州 四川松潘等处军民使司叠千户所
- 参宿分野 山西 汾州 四川 东川 军民
- 参井分野 山西 太原 潞安二府 辽州 四川 顺庆 贵州 宣慰司 思州 思南 镇远 石阡四府
- 井鬼分野 陕西 西安 凤翔 庆阳 延安 平凉 临洮 巩昌七府 宁夏卫 洮州卫 文县 岷州卫 陕西 行都司 永宁宣抚司 招讨司 天全 六番 四川成都府 保宁 重庆 叙州四府 漳州 嘉定 泸州 眉州 黎州 安抚司 四川行都司 云南 楚云 雄武

- 定州 广西曲靖 〔澄〕江 大理 临安  
八府 贵州 普安州
- 井鬼入参一度分野 乌蒙军民府 乌撒军民府 播州宣  
慰司 龙山宣抚司
- 鬼宿分野 四川 马湖府
- 柳宿分野 贵州 同仁府
- 张宿分野 河南 南阳府
- 翼宿分野 四川 夔州府 湖广 武昌 汉阳 襄阳  
常德 鄜阳 长沙 岳州 衡州 永州 辰  
州 荆州 黄州十二府 沔阳州 永顺宣慰  
司 保靖州 军民宣慰司 广西桂林府 平  
乐 柳州 南宁 潯州 太平 庆远 梧州  
八府 广东广州府
- 轸宿分野 湖广宝庆府 靖州 四川平茶洞长官司
- 井鬼翼轸分野 陕西汉中府 翊轸之余 贵州黎平府
- 角亢分野 河南开封府 归德 德州
- 角亢氐分野 河南汝宁府
- 房心分野 南直隶庐州府
- 尾箕分野 北直隶顺天 河间二府 辽东都司
- 尾箕兼昴毕宿分野 北直隶保定府



## 张果星宗 卷七

### 三辰通载上

夫三辰通载者，以十一曜为一辰，以十二宫为一辰，以二十八宿为一辰，故名三辰通载。于五星六曜，分为两卷，前卷五星，后卷六曜。五星者，即岁星荧惑镇星太白辰星。六曜者，谓太阳太阴紫气月孛罗喉计都是也。观其二卷经义，乃入门浅近之书，于果老有发明处，学者须融会贯通，不可执泥一端，斯得之矣。

五星者，木火土金水之精，在天为五星，在地为五岳，在道为五常，在人为五脏，于人禀之，亦与天之祸福相应，且人之禀天之所赋异者，故禀天之所授受也。

### 岁星算法

#### 木星篇

置积日减七十四，以周天数三百九十八日八十八分